

第三三五册

明倫彙編

交誼典

餽遺部

宴集部

(卷)

兕

吾
古

古今圖書集成

中華書局影印



古今圖書集成

中華書局影印

欽定古今圖書集成明倫彙編交誼典

第四十九卷目錄

饒遺部紀事二

饒遺部雜錄

饒遺部外編

交誼典第四十九卷

饒遺部紀事二

世說補朱桃椎隱居不仕披裘帶索浮沉人間資益州造以衣服逼為鄉正桃椎不言而退逃入山中夏則裸形冬則樹皮自覆贈遺一無所受每織芒屨置路傍見者皆言朱居士屨也易米置本處桃椎至夕取之終不見人

唐書張文瓘傳貞觀初李勣入朝文瓘與屬僚二人皆餞勣贈二人以佩刀玉帶而不及文瓘文瓘以疑請勣曰子無為嫌若某猶豫少決故贈以刀欲其果於斷某放誕少檢故贈以帶俾其守約束若子才無施不可焉用贈

南楚新聞李泌謂以二月一日為中和節人家以青裳盛百穀果實更相饋遺務極新巧宮中亦然謂之獻生子

唐書陸贄傳贄第進士中博學宏辭調鄭尉罷歸壽州刺史張鎰有重名贄往請交既行餉錢百萬日請為母夫人一日費贄不納止受茶一串日敢不承公

之賜

乾歷子郎中李丹典濠州蕭復處士寄家楚州白田聞丹之義來謁之且無備保棹小舟唯領一婢歲女僮時方寒衣復單弊女僮尤甚坐於客次女僮門外求火燎手且持其靴去客吏忽云郎中屈處士復即芒屨而入丹揖之坐略話平素復忽悟足禮之闕矍然乃起曰某為饑凍所迫高堂慈母處分入關投親知無奴僕有一小女僮便令將隨參謁朝至此僮駭恐懼公衙失所在客吏已通取靴不得去就疎脫唯惶悚而已丹曰靴與履皆一時之禮古者解履登席即徒跣以為禮靴始自趙武靈王又有何典據此不足介君子懷但請述所求意遂留從容復顧旨趨乃云足下相才他日必領重事於是遣使於白田饋遺復母甚厚又饋復以匹馬束帛復後竟為相

世說補李師古跋扈悍杜黃裳為相未敢失禮命一幹吏寄錢數千緡并駝車于一乘使者未敢遲送於宅門伺候累日有綠輿出從婢二人青衣縵縵言是相公夫人使者遽歸以告師古師古折其謀終身不敢改節

裴寬罷郡西歸見一士坐樹下甚貧與語奇之舉一船金帛盡與之此人辭登舟奴婢偃蹇者輒鞭之乃張徐州也

雲溪友議平曾以憑人傲物多犯諱忌竟沒於縣曹知已歎其運蹇也薛平僕射出鎮浙西投謁主禮稍薄曾留詩以諷之曰梯山航海幾崎嶇來謁金陵薛大夫髭髮豎時趨劍戟衣冠儼處拜冰壺誠知兩軸非珠玉深愧三緡郵旅途今日楚江風正好不須同

首望勾吳辭聞之曾將出境迨追追還摩留數日又獻紫白馬詩曰白馬披繫練一團今朝被絆欲行難雪中放出尋空跡月下牽來只見鞍向北長鳴天外遠臨風斜控耳邊寒自知毛骨還應異更請孫陽仔細看河東公觀詩曰若不畱絆行軒那得觀其毛骨遂以殊禮相待厚送餽賂餞行

全唐詩話曰樂天求馬裴度贈以馬因戲云君若有心求逸足我還畱意在名姝引妾換馬之事樂天答曰安石風流無奈何欲將赤驥換青娥不辭便送東山去臨老何人與唱歌

唐書李愬傳愬魏博長慶初幽鎮亂殺田弘正愬素服以令軍曰魏入富庶而通於天化者田公力也衆皆哭又以玉帶寶劍遺牛元翼曰此劍吾先人嘗以剪大盜吾又以平蔡姦今鎮人逆天公宜用此衷之也元翼感動乃下令軍中勒兵以俟

李尚隱傳尚隱遷廣州都督五府經略使及還人或哀金以贈尚隱曰吾自性分不可易非畏人知也賢奕編柳公權善書公卿贈遺鉅萬多為主藏豎所竊

唐書裴休傳休童時兄弟偕隱家豎畫講經夜著書有饋鹿者諸生共薦之休不食曰蔬食猶不足今一啖肉後何以繼

梅澗詩話張祐性酷好太湖石三吳太守多以贈之故陸魯望以詩笑之曰一林石筍散豪家

全唐詩話袁晫宜春人咸通進士龍紀集賢殿圖書使自稱碧池處士初登第過岳陽悅妓葉珠以詩寄嚴使君曰得意東歸過岳陽桂枝香惹葉珠香也知

暮雨生巫峽爭奈朝雲屬楚王萬恨只憑期短寸寸心唯繫別離腸南亭宴罷笙歌散回首煙波路渺茫嚴君以妓贈之

許棠久困名場咸通末馬戴佐大同軍幕棠往謁之一見如舊相識畱連數月但詩酒而已未嘗問所欲一旦大會賓友命使者以棠家書授之棠驚愕莫知其來啓緘印知戴潛遣一介恤其家矣

洛陽舊聞記福建人徐資下第獻過梁郊賦梁祖覽而器重之且曰古人酬文士有一字千金之語軍督費用且多今一字奉絹一疋畱於賓館厚禮待之

陸游南唐書刪龜傳龜晚勵風操尚信義一言之出必復而後已常著龍尾硯友人欲之而不言龜亦心許之未及予也一日友人不告而歸龜悔恨徒步數百里追及授硯而還

客退紀談孟蜀時兵部尚書李昊每春時將牡丹花數枝分遺朋友以興平酥同贈且曰俟花凋卸即以酥煎食之無棄穢也

世說補南唐嚴續嘗請韓熙載撰其父神道碑以珍貨幾萬緡仍輟一歌鬟寶冠洞房者爲濡筆之贈韓納其請文既成乃叙諸奇品秩略不道續事業續嫌之封還尚冀改竄熙載直以向所贈及歌姬悉還之臨登車止寫一關於泥金雙帶而去

聞見前錄太祖入洛枕長壽寺大佛殿西南角柱礎晝寢有藏經院主僧見赤蛇出入帝鼻中異之帝寤僧問所向帝曰欲見柴太尉於澶州無以爲資僧曰某有一驢子可乘又以錢幣爲獻帝遂行柴太尉一見奇之畱幕府未幾太尉爲天子是爲周世宗

宋史趙普傳普爲相帝幸其第時錢王俶遣使致書於普及海物十餅在廡下會車駕至倉卒未屏帝顧問何物普以實對上曰海物必佳即令啓之皆瓜子金也普惶恐頓首謝曰臣未發書實不知上嘆曰受之無妨彼謂國家事皆由汝書生耳

國老談苑溫叟累居顯要清貧尤甚未嘗受人饋知貢舉時有經學門生居畿內者獻栗草一車溫叟却之其人曰此物出於躬耕願以致勤溫叟不得已而受之即命家人置衣一襲以爲答計其直即倍於粟草矣自是無敢獻遺者

浙帥開宴置金鐘以爲罰爵陶穀後因臥病浙帥使人問其所欲穀以金鐘爲請浙帥以十副贈之乃以詩謝云乞與金鐘病眼明其荷得無恥如此

宋史曹彬傳顯德五年使吳越致命詔即還私觀之禮一無所受吳越人以輕舟追遺之至於數四彬猶不受既而曰吾終拒之是近名也遂受而籍之以歸悉上送官世宗強還之彬始拜賜悉以分遺親舊而不畱一錢

荆罕儒傳罕儒輕財好施在泰州有煮海之利歲入鉅萬詔聽十收其八用猶不足家財入有籍出不問其數有供奉官張奉珪使泰州自言後唐張承業之子罕儒曰我生平聞張特進名幸而識其子厚加禮待遺錢五十萬米千斛罕儒雖不知書好禮接儒士進士趙保雍登科覆落客游海陵罕儒問其所欲保雍以將歸京師且言緣江權務以絲易茗有厚利罕儒立命主藏奴令籍藏中絲得四千餘兩盡以與之李穀傳穀歸洛中昭義李筠以穀周朝名相遺錢五

十萬他物稱是穀受之既而筠叛穀憂恚而終藥元福傳元福雖老筋骨不衰人或言其氣貌益壯當復領兵必大喜曲致禮待或加以贈遺時稱驍將張茂直傳茂直兖州瑕丘人方弱冠慕容彥超據州城驅之守陴及周師破敵擁城守者列坐將斬之有卒挾刃謂茂直曰汝髮甚髯惜爲頭血所污可先斷之茂直許焉刃未及髮會得釋後勵志於學開寶中州將器其爲人首薦之且給錢五萬以助其裝

茂直參知政事李至稱其端實命入益王元傑府爲記室參軍王好學多爲詩什遇茂直甚厚雖受時果之賜亦分餉焉

尊堯錄太宗在晉邸嘗以錢五百千遺中丞劉溫叟溫叟不敢辭貯於別室明年重午又以角黍遺之使人至見前所送錢扁爛如故還白其事太宗曰我錢尚不用况他人乎溫叟真廉士也哉亟命輦還密白於太祖太祖曰執廉節鎮澆風溫叟有之

青箱雜記曹司封修睦深達性理知仰武軍時常以竹簞贈禪僧仁曉因作偈與之曰翠雲纖簞寄禪齋半夜秋從枕底來若也此時人問道涼天捲却暑天開

張乖崖公布衣時素善陳搏嘗因夜話謂搏曰某欲分先生華山一半住得無搏曰餘人則不可先輩則可及旦取別搏以宣毫十枝白雲臺墨一劑蜀牋一角爲贈公謂搏曰會得先生意取某入關處去日珍重搏送公回謂弟子曰斯人無情於物達則爲公卿不達爲王者師公嘗感之後尹蜀乘傳過華陰寄搏詩曰性愚不肯林泉住強要清流擬致君今日星馳

劍南去回頭慙愧華山雲

宋史田重進傳太宗居藩邸時愛其忠勇常遺以酒炙不受使者曰此晉王賜也何為不受重進曰為我謝晉王我知有天子爾卒不受

查道傳道性淳厚兒時嘗戲書地為大第曰此當分贍孤遺及居京師家甚貧多聚親族之俾獨者祿賜所得散施隨盡不以屑意與人交情分切至廢棄孤露者待之愈厚多所周給初赴舉貧不能上親族哀錢三萬遺之道出滑臺過父友呂翁家翁喪貧窶無以葬其母兄將鬻女以襄事道顧褚中錢與之且為其女擇婿別加資遣又故人卒甚貧質女婢於人道為贖之嫁士族指紳服其履行

楊美傳美狀貌雄偉武力絕人太平興國二年為保靜軍節度美為人任氣好施凡得予賜及奉祿盡調給親戚故舊死之日家無餘財人多歎息之

夢溪筆談工部胡侍郎則為邑日丁晉公為遊客見之胡待之甚厚丁因投詩索米明日胡延晉公常日用所樽疊悉屏去但陶器而已丁失望以為厭已遂辭去胡往見之出銀一篋遺丁曰家素貧唯此飲器願以贖行丁始喻設陶器之因甚愧德之後晉公驟達極力攜挽卒至顯位慶曆中諫官李兢坐言事謫湖南物務內殿承制范亢為黃蔡間都監以言事官坐謫後多致顯官乃悉傾家物與兢辦行就至湖南少日遂卒前輩有言人不可有意有即差事固不可前料也

青箱雜記柳崇儀開家雄於財好交結樂散施而季父主家多虧不與時趙昌言方在布衣旅游河朔因

以謁開開屢請以錢乞趙季父不與開乃夜篝火燒舍季父大駭即出錢三百緡乞趙由此恣其所施不復吝也

雲齋廣錄陳文惠堯佐退居鄭下張退傳知西京以姚黃魏紫及酒送文惠答詩曰有花無酒頭慵舉有酒無花眼倦開正向西園念蕭索洛陽花酒一時來程史內黃傳珏能知人王沂公會始就鄉舉珏偶俟其姻於棘園之外遇之明日以雙筆要而遺之曰公必冠多士位宰相它日毋相忘聞者皆笑珏不為作遂定交傾貲以助其用

春渚紀聞黃叔幾為余言丁晉公好蓄瑰異幸衡之日除周其旋為端守屬求佳視其人至郡前後所獻幾數百枚皆未滿公意一日視工見有飛鸞翹駐潭心意非立驚之所因令沒入視之見下有圓石大如米斛塊處潭中似可挽取疑其異即以白守集漁戶維舟出之石既登屋轉仄之若有涵水聲視工視之賀曰此必有寶石藏中所謂石子者是也相傳天產至珍滋陰此潭以孕崖石散為文字之祥今日見之矣即兼手攻剖果得一石於泓水中大如鵝卵色紫玉也中剖之為二硯亟送其一公得之甚喜報書云硯應有二何為雷一自奉得無效雷豐城之雷莫邪否此非終合之物也守曰天下至寶不可萃於一家以啓人貪心托以解職後面獻而公以擅移陵寢事籍其家矣而硯不知所所在

聞見前錄章獻明肅太后成都華陽人少隨父下峽至玉泉寺有長老善相人謂其父曰君貴人也及見后則大驚曰君之貴以此女又謂曰遠方不足雷

盍遊京師乎父以貧為辭長老者贈以中金百兩后之家至京師真宗判南衙因張者納后官中帝即位為才人進宸妃至正位宮闈

仁宗一日幸張貴妃閣見定州紅磁器帝堅問曰安得此物妃以王拱辰所獻為對帝怒曰嘗戒汝勿通臣僚餽送不聽何也因為以所持柱斧碎之妃愧謝久之乃已妃又嘗侍上元宴於端門服所謂燈籠錦者上亦怪問妃曰文彥博以陛下眷妾故有此獻上終不樂後潞公人為宰相臺官唐介言其過及燈籠錦事介雖以對上失禮遠謫潞公尋亦出判許州蓋上兩罷之也或云燈籠錦者潞公夫人遺張貴妃公不知也

孫文懿公嘗聚徒榮州貧甚得束脩之物持歸為一村鎮鎮將悉稅之至公任監左藏庫鎮將者部州綱綱至見公愧懼公慰謝之以黃金一兩贈其歸清波雜志石守道為舉子時寓學於南都其固窮苦學世無比者交遊間嘗以盤食遺之石謝曰甘脆者亦介之願也但日饗之則可若止得一餐則明日何以繼乎朝饗膏粱暮厭粗糲人之常情也所以不敢當歸之嘗聞富鄭公辭疾歸第以俸券還府所受之程伊川正叔曰受之固無足議還者亦未為得雷之無請可也或曰饑食美意也受而不食可也却之近名也

續聞見近錄蔡君謨車鄉物以子魚為天下珍珠嘗遺先公多不過六尾云所與者不過諫院故人二三公耳今子魚盛至京師遺人或至百尾由是子魚之價減十倍

青瑣詩話韓魏公鎮真定時有門客彭知方爲酒使踰垣宿於室門吏報公公不究爲種竹詩曰殷勤洗濯加培植莫遣在枝亂出牆客見其詩愧甚乃和公詩云主人若也憐高節莫爲在枝贈一柯公特以百緡遣一指使呼吏報都下市一女奴贈之公之愛士待客皆如此

宋史邵亢傳亢從父僖提點淮南刑獄爲京西轉運使歸居官署風采始至郡惟一起宴集行部但一受酒食之餽以爲數會聚則人情狎多受餽則不能行事非使者體也

揮塵三錄劉李高岑未達時詹安世度帥中山以貧甚攜王履道書往謁之既至彼館勞甚至酒食遊戲徵逐無虛日而略無一語及他時河北盜賊已充斥畱連逾月李高興懷歸之念因漫扣之詹云足下之來何幹度豈不能曉其敢苦相挽畱耶少刻便令差將兵二百防護行李以濟大河迺回三日之間餽餽稠疊所得凡萬緡云

燕翼貽謀錄承平時温州鼎州廣州皆貢柑子尚方多不過千少或百數其後州郡苞苴權要負擔者絡繹又以易腐多其數以備揀擇重爲人害天聖六年四月庚戌詔三州不得以貢餘爲名餉遺近臣犯者有罰然終不能禁也今惟溫有歲貢歲饋鼎廣不復有之矣

宋史郭達傳達爲閤門祇候環慶兵馬都監遭母憂不得解官凡三請乃許慶率杜杞贖以錢四十萬謝弗受
錢惟演傳惟演從孫綱字穆父彥遠之子也奉使弔

高麗凡餽餼非故所有者皆弗納歸次紫燕島王遣二吏追餉金銀器四千兩總曰在館時既辭之矣今何爲者吏泣曰王有命徒歸則死且左番已受總曰左右番各有職吾唯例是視汝可死吾不可受竟却之

夢溪筆談李士衡爲館職使高麗一武人爲副高麗禮幣贈遺之物士衡皆不關意一切委於副使時船底疎漏副使者以士衡所得緣帛藉船底然後實己物以避漏濕至海中遇大風船欲傾覆舟人大恐請盡棄所載不爾船重必難免副使倉惶悉取船中之物投之海中更不暇揀擇約投及半風息船定既而檢點所投皆副使之物士衡所得在船底一無所失家世舊事伯叔殷直喜施而與人周一日苦寒有儒生進門即持綿袴與之其人大驚曰何以知我無袴也蓋於遊從間常察其不足也至晚年家資懸罄而爲義不衰有儒生以講說賺錢時家無所有偶伯祖母有珠子裝抹買得十三千盡以與之

見聞搜玉邢和叔尚書常以丹遺伊川先生先生以詩謝之云至神通化藥通神遠寄哀翁救病身我亦有丹君信否用時還解壽斯民

名臣言行錄外集程伊川先生與韓公維約候韓公年八十一往見之是歲元日因子弟賀正乃曰某今年有一債未還春中當暫往穎昌見持國乃往造焉久畱穎川韓早晚侍食體貌加敬一日韓密謂其子彬叔曰先生遠來無以爲意當有黃金藥杵一重三十兩似可爲先生壽未敢遽言之我當以他事使汝侍食從容道吾意彬叔待食如所戒試啓之先生曰

願與乃翁道義交故不遠而來奚以此爲詰朝遂歸持國謂其子曰我不敢言正爲此耳再三謝過而別呂汲公以百緡遺伊川伊川辭之時族兄子公孫在旁謂伊川曰勿爲已甚姑受之伊川曰公之所以遺願者以願貧也公爲宰相能進天下之賢隨材而任之則天下受其賜也何獨願貧也天下之貧者亦衆矣公帛固多恐公不能周也

五總志有一朝士家藏古盤自言能照二百里將以獻呂穆公穆公曰吾面不及樣子大安用照二百里爲復有獻視於王荆公云呵之可得水公笑而却之曰縱得一擔所值幾何二公之言雖類質野而清節不爲物移聞者歎服

可談先公在講筵聞神考言熊本表章用印端謹朱色鮮明先後無小異由此受知擢用至兩制近世長吏生日寮佐書壽星爲獻例只受文字其書却同但爲禮數而已王安禮自執政出知舒州生日屬吏爲壽或無壽星書者但有他書軸紅繡囊絨之必謂退回王忽令盡啓封掛畫於廳事標所獻人名銜於其下良久引客焚香共相瞻禮其間無壽星者或用佛像或神鬼唯一兵官乃崔白畫二貓既至前慚懼失措或云時有囊絨畫銘者吏不敢展此尤不可生日祝壽墓銘凶事非徒失獻芹之意必須貽禍小節不可不戒古人不欺幽隱正謂此類

過庭錄湘潭進士胡景裕好問博學信義人也舊與先子相識京邑已酉冬避地至潭却之餘資行裝垂罄胡亦困居乃以千錢爲贈曰某雖貧里中有所貸公今流落途窮少助行色先公謝其意而卻之有詩

錢先子云當年邂逅帝王畿歲月侵尋若電飛學士榮除青瑣閣故人老著白麻衣尊前且鬪閒身健眼底休論往事非第恐鋒車促嚴名片帆明發不輕違先子有答詩見家集記

南遊記舊黃實自言平生有二事元豐甲子為淮東提舉嘗於除夜泊汴口見蘇子瞻執杖立對岸若有所俟歸舟中以揚州廚釀二尊雅酥一盃遺之後十五年為發運使暑泊清淮樓見米芾衣幘鼻自蘇研於淮口索篋中一無所有獨得小龍團二餅乃遣人送之越其滌硯來此有此二事頗自慰云

談苑朝士趙昶有兩婢善吹笛知滕州日以丹砂遺子瞻子瞻以斬笛報之并有二曲其詞甚美云水落淮南雨晴雲夢日斜風裊又云自桓伊不見中郎去後孤負秋多少斷章云為使君洗盡蠻風瘴雨作清霜曉起日子瞻罵我矣昶南雄州人意謂子瞻以蠻風譏之

見開搜玉李鷹字方叔嘗以長沙猶荀饋東坡公公以詩賦之曰穿雲斷石遠林空來涉江波萬萬重實比梧桐能食鳳簪翻風雨便成龍一枝未許塵鞍掛千畝終畱渭水封陋巷菜羹知不稱君王玉食願時供鷹即和之曰節藏泥澤氣凌空薦俎寧知肉味重未許韋編充簡冊已勝絲委詭蛟龍短萌任逐霜刀重美幹須煩雪壤封他日要令高士愛不應常奉幸夫供

太平清話虞世和甫名士善醫公卿爭邀至而性不可馴狎往往尤忽權貴所得賂旋以施貧者最愛黃庭堅常言黃孝於其親吾愛重之每得佳墨精紙奇

玩必歸魯直
道山清話朱康叔送酒與子瞻子瞻以簡謝之云酒甚佳必是故人特遣下廳也蓋俗謂主者自飲之酒為不出庫耳

養病漫筆王黼宅與一寺為鄰有一僧每日於黼宅旁溝中泚取流出雪色飯洗淨曬乾數年積成一囤靖康城困黼宅骨肉絕食此僧即用所積乾飯復用水浸蒸熟送入黼宅老幼賴之無餓

瑞桂堂暇錄紹興四年有士人求見韓魏公說親喪二女未嫁願有以周之公退收酒器得一大合送之士人對使者曰相公何薄我也叱不受公曰吾固疑甚薄也復哀一合送至士人又怒罵不受使者曰相公實無所有非薄君也士人不顧使者持回公又哀一合以往士人笑以書授使者曰吾事已辦不願受也向來蓋欲觀公度量耳

宋史張九成傳九成字子韶幼年處學正當苦寒衣食不備鄉里富人有以襲衣為送者亦却不受曰士處貧苦正是做工夫時節若不痛自節抑則貪慾心生廉恥喪矣工夫何在

清波雜志括蒼管銓平仲監秦邸坐事免官秦丞相手封銀一笏以助其歸蓋秦早授館於其家故特致此禮

吉安府志楊誠齋父子清介絕俗其家采橡土階如田舍翁三世無增飾東山病且死無衣裳適廣西帥趙季仁餽緡絹東山曰此賢者之賜也舍材無憂矣宋史陳自強傳自強常為韓侂胄童子師由選人至兩地財四年嘉泰三年拜右丞相侂胄朝權苞直

盛行自強尤貪鄙四方致書餽必題其絨云某物并獻凡書題無并字則不開縱子弟親戚關通賄賂仕進干請必諧價而後予日押空言刺劄送侂胄家須用乃填三省不與也都城火自強所貯一夕為煨燼侂胄首遺之萬緡執政及列郡聞之莫不有助不數月得六十萬緡遂倍其所失之數

宋史程松傳開禧元年韓侂胄決議開邊期二年四月分道進兵命松為宣撫使與元都統制吳玠副之未幾金人封松為蜀王松與松書諷使去松遁去由閬州順流至重慶以書抵松見大恐疑其劍也亟逃奔使者追及松不得已啓視之則金寶也松乃兼程出峽西向掩淚曰吾今獲保頭願矣

金史石土門傳石土門父直離海景祖時直離海使部人趙孫來請復通宗系景祖遣孫歲餘厚其餼廩飲食善遇之及還以幣帛數篋為贈結其厚意趙孫傳賊重義接儒士嘗以事至汴有故人子負官錢百萬賊以囊金贈之其子悉為私費復代輸之元史暗伯傳暗伯客居于閩宗王阿魯忽之所世祖遣薛徹干等使阿魯忽以通好阿魯忽留使者數年弗遣暗伯悉以己馬駝厚贐之令逃去薛徹干等得脫歸具以白世祖世祖釋款久之

廉希憲傳希憲嘗有疾帝遣醫二人診視醫言須用沙糖作飲時最艱得家人求於外阿合馬與之二斤且致密意希憲却之曰使此物果能活人吾終不以好人所與求活也帝聞而遣賜之希憲行省荆南宋故官禮謁大府必廣致珍玩希憲

拒之且語之曰汝等身仍故官或不次遷擢當念聖恩盡力報効

董文炳傳文炳子士選平生以忠義自許九號廉介自門生部曲無敢持一毫獻者

張榮傳李璋據益都私餽以馬蹄金榮曰身既許國何可擅交鄰境却之

輟耕錄建德路達魯花赤古篤魯丁字志道守贛州路任滿聽除時有故吏丘往臨江貼補介魯尺牘見總管木八刺木即日錄用就遣丘持捧鈔五十錠餽魯蓋魯以廉故家甚貧朋友間每分財以濟之丘竟匿其鈔後木數得魯書而謝不及此疑焉因便使問之魯知爲丘匿有即具書請失謝之罪丘聞此惶報無地令兒子奉鈔還魯終不受且爲隱其惡未嘗與人言夫魯西域人也度量之宏深乃如是可謂厚德君子矣若丘者名教中所不可容尚孰責哉

湖廣行省平章歸自雨中有一童子年七八歲直造傘下避雨平章問曰學生能屬對否曰能平章曰青衿來避雨即應聲曰紫綬去朝天平章喜引至家遣以果肴明日除書至拜中書平章之命復大喜再以楮幣綵繪贈之

曹公克明號以齋宛平人爲湖廣行省員外郎日麻陽王簿顧淵白致書問訊且以辰砂一包見寄未及啓封漫爾置篋笥中後有憲官過訪因論製藥爲苦無好辰砂公曰我一故人嘗以此爲惠當奉送及取視乃有砂金三兩維其內公驚嘆曰淵白以我爲何如人也時淵白已沒呼其子歸之其廉潔如此官至禮部尚書諡文穆

明外史秦從龍傳從龍生日本祖與世子皆贈遺劉仕龜傳王溥者桂林人洪武末爲廣東參政亦以廉名其弟自來省屬吏與同舟贈以布袍溥命還之曰一衣雖微不可不慎此汙行辱身之漸也

浙江通志陳信字履信仁和人以推擇爲吏即知守廉信嘗有分務之京民有餽白金三百兩者不受尋乞致仕歸經治所餽賄俱不受前所餽者復持金懇納信復却之行李蕭然行路稱嘆

紹興府志秦初字性初山陰人卓有行誼居太學時同舍生以使命出妻死無主初爲之經紀喪事甚周有金安者除後山衛經歷當之任貧無以治裝初脫所乘驢資遺之徒步出入永樂中舉進士官翰林檢討

正氣紀姚善傳錢片自守甚高善願見不可得有俞貞木以明經見重于善月朔聖必延至學宮講經訓士一日餽米于貞木誤致芹所芹受之吏覺其誤詣貞木以告貞木曰錢先生不苟取予今受米不辭必仰府公之賢耳善聞之喜欲往候使人先導意芹對使者曰芹誠願見公然芹民也不可往見于庭若明公弘下士之風請俟月朔相會于學宮善如期迎芹至置上座請質經義芹曰此士子之業公今有急于此者善悚然請問芹出一簡授善竟不交言而去視之則守禦制勝之策也善益重之

明詞林人物考吳誦字敏德永樂時巡按貴州還三司遣人以黃金百兩追送至夔府誦不啓封就題其上還之詩曰蕭蕭行李向東還要過前途最險灘若有賊私并土物任教沈在碧波間

賢奕編憲副劉公仁宅華容人忠宣公父也永樂初仕爲瑞昌令邑人嚴某令高安同入覲文定遺一价往贖之价還白公曰嚴丈富貴雅稱官也劉丈藁席布被瓦盆煤窻猶然窮人耳公心識之劉與嚴皆公鄰邑人且有姻嚴賣劉特先見贄以幣公麾之劉嗣見具茗一袋蜜一缶耳公嘉納尋擢爲御史

豐布政公慶一日行部有知縣董璽不飾聞至乃以白金爲燭饋之公未之省既而應子以告公伴曰試燃之應子曰燃而不燃也公又曰不燃則還之耳次日從容謂知縣曰汝燭不燃盡出之自今無復爾矣終亦不明其爲銀燭事也

浙江通志劉實字嘉秀江西安福人宣德五年進士任金華府通判督賦至浦江其丞王邵實鄉友也具盤饌豐殖詣館餽謝弗納

明良記正統初王振開大學士楊文貞公曰今九卿無山西人豈皆不賢者乎文貞曰僉事薛瑄其人也已而文清至京振使僕致餼於文清文清固却之僕曰公何駭與諸方面以千金求通於吾公不得階君反却其餽邪禍將立至吾危君吾危君僕歸跪對振曰大權在我不厚鄉人以美官而乃餽酒肉彼却之固當已還文清大理少卿又餽又却之亦不往謁未幾文清得罪

孤樹衰談于肅愍巡撫河南山西前後幾二十年每入京議事獨不持土物賄當路汴人嘗誦其詩曰手帕磨挾與線香本資民用反爲殃清風兩袖朝天去免得閭閻話短長

畜德錄劉少傳忠爲南京吏部尚書時因司屬王主

事章之父致政家居素奢而漸貧乏乃遺白金二十兩與章奉親曰恐汝父奉養不悅汝欲曲意以養則變節之事有矣幸勿改節

曹真子集昔魏公見吳登第後請教先輩先輩云凡人官小不戀大則戀財少不愛多則愛亦不甚解比筮仕襄陽司理人饒以囊扇十柄二十柄不惜也隨散之一日藩王饒千柄遂置諸箱嗣後或送十柄二十柄積置于上不復散人久而忽悟茲所謂少不受多則愛乎亟呼火焚于庭清操凜凜沒齒不替

湖廣通志李汰字清之斬水人傾成化丙午鄉薦任義烏教諭府僚有念汰貧者遺金三百汰悉以修學復日一緘之惠上及聖賢下及士類矣聘福建建事或饒金通關節汰辭謝者曰腐儒耳謝以詩云義利源頭識頗真黃金難換腐儒貧莫言暮夜無知者怕塞乾坤有鬼神其人慚退

張易宗字祖義廣濟人弘治乙卯鄉舉判瑞州有解餉者四人私拆印封府欲致之死易宗爭之不能得因閉閣謝事而兩臺獎易宗廉使者適至府乃為易宗釋焉隨陞雲南鹽井提舉四人者送之途以一銀厄為壽易宗却不受其人曰聞公在任曾受某一厄獨不少存小人意乎易宗曰某無是是必誤耳因駐車喚某門子者至乃其詐收也

明外史陸完傳完弘治中歷江西按察使寧王宸濠雅重之時名與曲宴以金易為贈劉璣傳或以玉帶饒劉字誤達璣所聞者怪問之其人驚去

王守仁傳守仁登弘治十二年進士使治前威寧伯

王越守仁少時夢越贈之劍既葬其子出越所佩劍為謝守仁益自喜

明通紀周新廣東南海人僚某一日饒以鵝炙懸于室後有饒者指示之新家故貧未顯時妻治禱以給及同官內宴各盛飾惟新妻荆釵布裙以往大類田野婦盛飾者各相慚悲更為澹素其風節類此魏冀為人端厚祗慎簡約勤廉前後居官有聲曜然若不勝衣雖王振亦禮重之贊見惟帕一方振亦不較

獻徵錄陽春主簿徐均至縣吏白應往視莫大老叱曰何物大老吏曰此洞主均叱使來見不然且屠戮出雙劍示之大老恐懼至蒲伏論遣之值府符下問拘繫之獄均曰其人必來劫獄備之大老二子果來莫敢前詰朝饒大瓜安石榴皆黃金大珠也均麾出械繫大老身送之府中府官受賂調均攝陽江縣王敬臣廬居甚隘寄寓天王寺中需書易果有饋餐者却之不已則書壁云不食嗟來食寧為溝壑夫其人乃止

眉公見聞錄丘濬嘗饒桑悅悅謝謝落曰狔項美乎如生固甘之否也對曰使悅嘗上方芍藥饒所不足甘而一狔項何殊草具哉

賢奕編鄭端簡公曉官文選時里中士宦有饒金首飾承篋以將而上覆之者公直以為者受之入夫人手撤若知之面頸發赤亟擊柝請公入以語公公追然不動聲色第整理其茗覆篋如初出坐亭中召其人還謂曰吾初以家適乏茗故拜君惠詢家尚有餘苦心謝尊意已授之令持歸

眉公見聞錄東山徐公故善包御史節節坐與中人就遠戍公範白金為匿羅而銘之曰不愧明時無負此心以遺節

陸平翁中會元方在京其父與太守王公華討船送家眷入京王公差人出問何等冠服答云青衣小帽王公云既如此不必相見但臨行時可報我既行報之王公聞尚遂初服亦不引見但賸送封君冬米一石此平翁為余言之

賢奕編何學憲公景明初授中書舍人奉敕皇帝哀詔下雲南遠方君長及中貴人咸贈遺厚象珍貝謝弗受

趙司成末就類菴京師人一日過魯學士鐸耶魯公曰公何之司成曰憶今日為西涯先生誕辰將往壽也魯公曰吾當與偕公以何為贊司成曰怕二方也魯公曰吾贊亦當如之入啓簡索怕無有躊躇良久憶里中曾饒有枯魚令家人取之家人報以食僅存其半魯公度家無他物即以其半載與趙公俱往公所稱祝公烹魚沽酒以飲二公歡甚即事倡和而罷劉忠宣公大夏戍肅州行時故人贈遺悉謝絕止受同年李文正一羊裘至肅無資諸司憚瑾母敢館穀三學生徒輪食之有總戎某遺百金於公公不受參將某遣使致餽勸其使不受毋返公曰吾老惟一僕日食不過數錢若受此僕竊之逃不將隻身陷此耶尋同成鍾尚書葉資果為僕竊而逃入服公先識云李文正公東陽有清譽張尚書邦奇公門人也一日侍坐有與化守者亦公門下士以觀事至京絀兩帕四扇令從吏饋公公曰扇以樂輸固可但多帕奈何

吏頌首于庭乃啓絨取扇而歸其帕云

楊文貞公士奇訪友人則相與聯寢語達旦自常廩外無別供鄉人得以隻鷄束薪相辭受其簡易如此方司徒公鈍當分宜柄國時寵賂滋章天下士宦靡然公獨峻卻餽遺其人或言此具薄俸非取諸民者公曰汝俸幾何奈何推以遺我汝不能其官我不能爲汝庇遺我何爲或復曲爲詞曰此書一帙耳公又曰余自入仕所習惟一大明律何暇讀他書竟不受未陵編年史嘉靖九年科官趙廷瑞勅楊一清定安伯張容泰安伯張富以求墓誌餽金緒一清受之皆按數有狀帝命奪官所在巡按追贓入官

明外史張居正傳居正少穎敏絕倫顧璘寄其文已召見曰國器也未幾居正舉於鄉璘解犀帶以贈且曰君異日當腰玉犀不足潤子

太平府志普周宇東阜采石鎮人嘉靖府貢性廉潔甘窮約名重一時慕其人者莫不式閭就見一直指遠來訪謁餽以金恐不受托言雄黃強納之置牀頭午節以和酒則金也惡其欺已竟投之江

湖廣通志何鳳起字近邨斬水人舉萬曆癸未進士授葉縣令聽訟使人得從容自理不曲事上官廚傳贈送皆省約江陵于懋修北上所過餽遺起獨贈以蔬布江陵聞而驚曰此必清操令也起適罷職江陵訟言於朝曰如此清苦好官何乃中傷之耶即日遷知廣德

寧波府志王汝林性儉儻好施凡貧病過門者接之不厭遠近慕其名陸司寇瑜爲諸生時貧不自存往詣汝林兩人素昧平生即延之入盛爲之禮次日密

遣人濟陸之家不以告也比留連旬日陸乃自言其情曰竊慕公高義幸而款我其如家累何則出陸家謝啓示之陸起拜曰不虞君之恩我深也辭之歸明日林乃具盛饌而送之凡寒暑之衣畢備具贈之白金陸辭弗得及貴不相聞者久之後陸以尚書致仕還謁郡守李行見籍諸人於壁汝林預焉陸問壁間之人善邪惡邪以爲惡則善人在焉以爲善又何善之多邪守曰否此皆積惡吾欲置之死耳陸曰餘人吾弗知若王汝林者豈非奉化人邪守曰然然則公誤矣因備述其善狀而汝林弗之知也蓋于時台有解盜者汝林遇諸途曰盍搃殺之盜聞而憾之誣爲窩主守卒釋而弗問汝林竟亦不爲謝

常熟縣志劉微字以則穿山人父微之歿微使人以禮幣如京師請顯貴爲墓文哀輓文既得無以當意邑陳生者故金州學正陳廷佩子也與劉有舊一日造焉微讓之曰先故人子乃獨無言於義謂何陳退爲詩攜之以往其詩有兩京冠蓋知名久百室饑寒感惠多之句微大喜撫几高叫曰我厚致金帛爲先人請曷嘗有是詩先人不亡矣問陳來舟安在出視之曰是不勝載以家舟載米百石而送之

濟南府志張楫霽化人甘貧嗜學有同里李某者憐其太敝欲遺新繪易之楫曰汝父曾負吾家百金券今存吾不置慮豈受汝一新繪哉李愧謝
快雪堂漫錄李于鱗爲吾浙按察副使徐于典以吟茶最精者餉之比看子與昭慶寺問及則已賞皂役矣蓋吟茶葉大多梗于鱗北士不遇宜矣紀之以發一笑

餽遺部雜錄

詩經邶風靜女章靜女其樂貽我彤管彤管有煒說懌女美又自牧歸黃洵美且異匪女之爲美美人之貽

王風丘中有麻章彼留之予貽我佩玖

鄭風溱洧章維士與女伊其相謔贈之以芍藥

大雅抑章投我以桃報之以李

韓奕章其贈維何乘馬路車

左傳隱公元年歸贈傳贈死不及尸釋例曰喪贈之幣車馬曰贈貨財曰賻衣服曰襚珠玉曰含然而總謂之贈

埤雅欲忘人之憂則贈之以丹棘欲獨人之忿則贈之青堂

雲溪友議鄭太穆郎中爲金州刺史致書于襄陽司空空頗鄭書傲睨自若似無郡吏之禮書曰閣下爲南溟之大鵬作中天之一柱奮騰則日月暗搖動則山嶽顛真天子之爪牙諸侯之龜鑑也太穆幼孤二百餘口饑凍兩京小郡俸薄尚爲衣食之憂溝壑之期斯須至矣伏惟賢公息雷霆之威垂特達之節賜錢一千貫絹一千疋器物一千事米一千石奴婢各十八人且曰分千樹一葉之影即是濃陰減四海數滴之泉便爲膏澤于公覽書亦不嗟訝曰鄭使君所需各依來數一半以戎旅之際不全副其本望也又有匡廬符載山人遺三尺童子齋數幅文書乞買山錢百萬公遂與之仍加紙墨衣服等又有崔郊秀才者寓居於漢上蘊積文藝而物產罄罄亡何與姑婢通每有阮咸之縱其婢端麗饒彼音律之能漢南之最

也姑貧鬻婢於連帥連帥愛之以類無雙無雙即薛
大保愛妾至今圖畫觀之給錢四十萬寵盼彌深郊
思慕不已即強親府署願一見焉其婢因寒食來從
事家值郊立於柳陰馬上連泣誓若山河崔生贈之
以詩曰公子王孫逐後塵綠珠垂淚滴羅巾侯門一
入深如海從此蕭郎是路人或有嫉郊者寫其詩於
座帥觀之令召崔生左右莫測郊深憂悔無處潛遁
及見郊握手曰侯門一入深如海從此蕭郎是路人
便是公製作耶四百千小哉何惜一書不早相示遂
命婦同歸至於帷帳奩匣悉為增飾之小阜崔生矣
初有客自零陵來稱戎昱使君席上有善歌者襄陽
公遽命召焉戎使君豈敢違命逾月而至及至令唱
歌歌乃戎使君送伎之什也詩曰寶釵香娥翡翠裙
粧成掩泣欲行雲殷勤好取襄王意其向陽臺夢使
君公曰丈夫不能立功業為異代之所稱豈可奪人
愛姬為己之嬉娛以此觀之誠可竄身於無人之地
遂多以繪帛贖行以書遜謝於零陵之守焉雲溪子
曰王敦驅女樂以給軍士楊素歸徐德言妻臨財莫
貪於色不恡者罕矣時人用為雅談歷觀國相挺特
英雄未有如于襄陽公者也

容齋續筆李衡公在朱崖表弟某侍郎遣人餉以衣
物公有書答謝之曰天地窮人物情所棄雖有骨肉
亦無音書平生舊知無復弔問閣老至仁念舊再降
專人兼賜衣服器物茶藥至多開絨紙涕咽難勝
大海之中無人拯卹資儲蕩盡家事一空百口嗷然
往往絕食塊獨窮悴終日苦饑唯恨垂沒之年須作
餒而之鬼十月未伏枕七旬藥物陳裏又無醫人委

命信天幸而自活書後云閏十一月二十日從表兄
崖州司戶參軍同正李德裕狀侍郎十九弟按德裕
以大中二年十月自潮州司馬貶崖州所謂閏十一
月正在三年蓋到崖纔十餘月爾而窮困苟生已如
是唐書本傳云貶之明年卒則是此書既發之後旋
踵下世也當是時宰相皆其怨仇故雖骨肉之親平
生之舊皆不敢復通音問而某侍郎至於再遣事使
其為高義絕俗可知惜乎姓名不可得而考耳此帖
藏禁中後出付祕閣今勒石于道山堂西紹興中趙
忠簡公亦謫朱崖士大夫畏秦氏如虎無一人敢輒
寄聲張淵道為廣西帥屢遣兵校持書及藥石酒類
為餽公嘗答書云鼎之為己為人一至於此其述酸
寒苦厄之狀略與衛公同既而亦終於彼手札今尚
存于張氏姚崇曾孫助為李公厚善及李譖逐繩索
支黨無敢通勞問既居海上家無資病無湯劑助數
饋餉候問不傳時為厚薄其某侍郎之徒與

作文受謝自晉宋以來有之至唐始盛李邕傳邕尤
長碑頌中朝衣冠及天下寺觀多齋持金帛往求其
文前後所製月數百首受納饋遺亦至巨萬時議以
為自古繁文獲財未有如邕者故杜詩云干謁滿其
門碑版照四裔豐屋珊瑚鉤駢聯織成爛紫駟隨劔
几義取無虛歲又有送斛斯六官詩云故人南郡去
去索作碑錢本賣文為活翻令室倒懸蓋笑之也韓
愈撰平淮西碑憲宗以石本賜韓宏宏寄絹五百匹
作王用碑用男奇鞍馬并白玉帶劉又持愈金數斤
去曰此諛墓中人得耳不若與劉君為壽愈不能止
劉禹錫祭愈文云公鼎侯碑志陸表阡一字之價輦

金如山皇甫湜為裴度作福先寺碑度贈以車馬繪
綵甚厚湜大怒曰碑三千字字三緣何遇我薄邪度
笑酬以絹九千匹穆宗詔蕭悅撰成德王士真碑悅
辭曰王承宗事無可書又撰進之後例得脫遺若眼
勉受之則非平生之志帝從其請文宗時長安中爭
為碑誌若市買然天官卒其門如市至有喧競爭致
不由喪家裴均之子持萬緡詣韋貫之求銘貫之曰
吾寧餓死豈忍為此哉白居易修香山寺記曰予與
元微之定交於生死之間微之將薨以墓誌文見託
既而元氏之老狀其藏獲與馬綾帛泊銀鞍玉帶之
物價當六七十萬為謝文之贊予念平生分贊不當
納往反再三詎不得已回施茲寺凡此利益功德應
歸微之柳珪善書自御史大夫貶瀘州刺史東川節
度使顧彥暉請書德政碑珪曰若以潤筆為贈即不
敢從命本朝此風猶存唯蘇坡公於天下未嘗銘墓
獨銘五人皆盛德故謂富韓公司馬溫公趙清獻公
范蜀公張文定公也此外趙康靖公滕元發二銘乃
代文定所為者在翰林日詔撰同知樞密院趙瞻神
道碑亦辭不作會子開與彭器資為執友彭之亡會
公作銘彭之子以金帶緡帛為謝却之至再曰此文
本以盡朋友之義若以貨見投非足下所以事父執
之道也彭子皇懼而止此帖今藏其家

夢溪筆談吳人多謂梅子為曹公以其嘗望梅止渴
也又謂鵝為右軍有一士人遣人醋梅與鵝鵝作書
云醋浸曹公一髮湯燂右軍兩隻聊備一饌
燕翼貽謀錄祖宗舊制州郡公使庫錢酒專饋士大
夫入京往來與之官罷任旅費所饋之厚薄隨其官

品之高下妻孥之多寡此損有餘補不足周急不繼富之意也其講睦鄰之好不過以酒相遺彼此交易復還公帑苟私用之則有刑矣治平元年知鳳翔府陳希亮自首曾以鄰州公使酒私用貶太常少卿分司西京乃申嚴其禁公使酒相遺不得私用並入公帑其後祖無擇坐以公使酒三百小瓶遺親故自直學士謫授散官安置况他物乎故先世所歷州郡得鄰郡酒皆歸之公帑換易荅之一瓶不敢自飲也西疇常言士有寬餘義當軫念窮乏然孰能徇愛之哉骨肉則論服屬戚疏交朋則計情義厚薄以次及之如力所不逮亦勿彊也

東齋記事今人以物相遺謂之人事韓退之奏韓弘人事物狀云奉勅撰平淮西碑文伏緣聖恩以碑本賜韓弘等今韓弘寄絹五百疋與臣充人事物未敢受領謹錄奏聞又杜牧謝許受江西送撰韋丹碑綵絹等狀云中使奉宣聖旨令臣領受江西觀察使許于泉所寄撰韋丹遺愛碑文人事綵絹共三百疋乃知此稱唐已有之

然黎餘筆右軍筆經云近有人以綠沈漆竹管及鏤管見遺錄之多年斯可愛玩詎必金寶雕琢然後為貴

彥周詩話韓熙載仕江南每得俸給盡散後房歌姬熙載披納持鉢就諸姬乞食率以為常東坡以玉帶贈寶覺寶覺酬以舊衲東坡作詩謝之曰病骨難堪玉帶圍鈍根仍落箭鋒機欲教乞食諸姬院故與雲山舊衲衣江南野史亦載韓事與此小異
癸辛雜識朝野雜記所載韓平原送壽禮物各列之

天慶觀廊間觀者為之駭然以近世觀之每有饑遺惟恐外人之窺何肯張皇以眩眾目哉常聞有闔帥饋師憲三十皮籠肩銘極嚴誤留寄他家其承受人不過齋書函及魚鱸小匣投納而已籠中之物雖承受人亦所不知也其視平原之事何翅萬萬又記吳職出蜀入朝多買珍異孔雀四華亭鶴數十金魚及比目魚等及作粟金臺臺遺陳自強者在今觀之皆不足道豈當時人有廉儉之風視此已為異事不若今人視以為常耶抑秀嚴蜀產耳目之隘故耶

清波雜志貧人富人並為客受賜于主人富人不慚貧人常愧者富人有以效之貧人無以復也以此論之自昔交際之禮亦貴夫往返見王充論衡

呂涇野樂先生曰三十年前風俗猶有古意如三原王都御史先生至京師見一閤老以一半毛口袋為贊問老怪之問曰此物何用王先生不以為輕也答曰這口袋盛米二三十年不得破當時風俗如此近年來禮儀繁厚却失此意

見聞搜玉傳欽之求介秦觀以見陳師道知其甚貧因懷金餽之及觀其貌聽其議論竟不敢出口賢矣哉二千魏巍乎師道哉

丹鉛總錄宋之盛時有位於朝者以餽遺及門為辱受任于外者以苞苴入京為羞及其季代中葉稅政孽卿則端揆以賂賄為論思臺諫以珍玩為獻納或以金珠而充脯醢或以契券而為詩文甚者如倪俱售妹于侂冑而得府蘇師旦獻妻于侂冑而入閣噫黑頭宰相紅鉛夫人後之視今亦猶今之視昔也
客座新聞請詢陳司業幾月出南都河上交冰未江

南下雪無道途多跋涉塵土著些須下馬須煎滌呼兒送一壺此詩楊閣老士奇知陳司成敬宗自南京考滿來京將至先令其子迎於道分贈黃封一壺而侑此詩一時傳者為領聯有相臣體更於友誼之隆萬然見於詞表可以為後人法又以見前輩之風致云

賀陽亨集嚴世蕃有母喪耿按陝西差人入弔託近溪致禮且曰厚薄隨所酌量近溪以絹二葛二付差人往送世蕃呈帖介溪介溪默然以為難得遂有南督學之命後羅齋捧至京以紗一疋書一部送張江陵諸子榜眼以為不失道學家數而江陵則以為輕己諷鷹犬以談禪彈羅罷官而歸其視嚴又何如也利瑪竇友論友之饋友而望報非饋也與市易者等耳

家則一古者饋遺之禮原以通有無周空乏今親友歲時交相往復施者似循常套受者非其所需轉展報答徒增煩費而於誠心實惠乃全不然竊謂推美分甘情也賑亡助迫義也凡吉凶緩急彼不能支量力而濟固是佳事若偶得所嗜推己思人隨物而餉亦豈非人情哉此外因俗例而強行知不受而虛舉俱屬浮妄不必做做可也

賢奕編周益公藏歐陽公家書一幅紙斜封乃令壽光牒其詞云具位某猪肉一斤石伏蒙頒賜領外無任感激謹具牒謝年月日具位某牒蓋改牒為狀自元豐始日趨於諛矣且前輩交際其饋止於如此未嘗見其豐侈也
讀書鏡韓退之與鳳翔邢尚書書云閣下之財不可

以徧施于天下在擇其人之賢愚而厚薄等級之可也假如賢者至閣下乃一見之愚者至不得見焉則賢者莫不至而愚者日遠矣假如愚者至閣下以千金與之賢者至亦以千金與之則愚者莫不至而賢者日遠矣杜祁公衍性好施張瓌曰公之好施人所能及也其不妄施人之所不能及也吁今之施者半及于沙門弟子止矣余以爲此不惟施之三寶而當並施之三教不惟施之三教而當首施之三族

有士人贗作韓魏公書謁蔡君謨蔡心疑之然士頗豪與三千緡因回書遣兵送之併致果物于魏公士至京謁公以其故請罪公徐曰君謨手段小恐未足以了公事因作書令見夏太尉子弟有不然者公曰士能爲我書又能動君謨其才器亦不凡矣至關中夏竟官之范文正在睢陽掌學有孫秀才者索游上謁文正贈錢一千明年復謁公又贈一千因問何爲汲汲道路孫戚然曰老母無養公見孫詞氣甚非乞客因爲補學職授以春秋月得三千供養孫篤學公甚愛之明年俱解去後十年聞太山下有孫明復先生以春秋教授道德高邁朝廷召至太學卽昔日索游孫秀才也公嘆曰貧累大矣倘因循索米至老雖人才如明復者將猶汨沒而不見也語云緩急人之所時有也今富貴人不知貧賤痛癢亦是一過况貧賤中往往有豪傑須是大著眼寬肚腹可也

餽遺部外編

劉向列仙傳安期先生者時人皆言千歲公秦始皇請與語三日三夜賜金璧數十萬出于阜鄉皆置去畱書以赤玉鳥一量爲報曰後千歲求我于蓬萊山下

異苑晉義熙中虞道施乘車出行忽有一人著烏衣逕來上車云令寄載十許里耳道施試視此人頭上有光口目皆赤面悉是毛異於始時既不敢遣行十里中如言而去臨別語道施我是驅除大將軍感汝相容因贈銀鐸一雙而滅

魏書段承根傳承根父暉師事歐陽湯有一童子與之同志後二年童子辭歸暉戲作木馬與之童子甚悅謝暉曰吾太山府君子奉勅遊學今將歸煩子厚贈無以報德子後位至常伯封侯言終乘木馬騰空而去

尚書故實嘗有一淪落衣冠以先人執友方爲邦伯因遠投調冀有厚需及謁見卽情極尋常所資至寡歸無道路之費愁怨動容因問步長衢歎吒不已忽有一人衣服垢敝行過於前迴目之曰公有不平之氣余願知之因具告情旨答曰止於厚卹小事耳今夜可宿某舍至暮往卽已遲望門外遂延入謂之曰余隱者也見爲縣獄卒要在濟人之急既夜分取一椀合於面前俄頃揭看見一班白紫綬者纔長數寸此人詬責之曰與人有分不卹其孤可乎紫衣者遂謝久之復用椀覆於地更揭之則無有矣明日平旦聞傳聲寬某秀才甚急往則紫衣斂板以待情義頓濃遂贈數百緡亦不言其事豈非仙術乎

談圖陽城黃道州未行有書生五人訪城冠帶甚弊城各以一縑與之比至道州城謁五龍祠其縑皆在神坐側今刻石載其事
瑯嬛記君子國有鳳凰嶺出天狗一名胎詹女仙與族雪道君各以玉膏鍊成上藥以相饋遺

欽定古今圖書集成明倫彙編交誼典

第五十卷目錄

宴集部彙考一

禮記 曲禮 少儀 坊記

交誼典第五十卷

宴集部彙考一

禮記

曲禮

凡進食之禮左穀右蔬食居人之左羹居人之右膾炙處外醢醬處內葱涿處末酒漿處內以脯脩置者左胸右末

注 左右皆便食也穀骨體也截切肉也食飯屬也居人左右明其近也外內穀蔬之外內也近醢醬者食之主涿葱也處醢醬之左言末者殊加也

穀在俎哉與膾炙葱涿皆在豆酒漿處羹之右此言若酒若漿耳兩有之則左酒右漿此大夫士與賓客宴食之禮其禮食則宜放公食大夫禮云左胸右末亦便食也屈中曰胸自此至肱之難明

飲食之法今自此至虛口明卿大夫士與客燕食之禮熟肉帶骨而饈曰穀純肉切之曰截骨是陽故在左肉是陰故在右飯燥為陽故居左羹濕是陰故居右此饌之設羹食最近人羹食之外乃有

穀截故此膾炙醢醬知在穀截之外內也醢字徐音海則醢之與醬兩物各別依昏禮及公食大夫禮醬在右醢在左醢醬處內亦當醬在右醢在左案公食大夫禮宰夫自東房授醢醬公設之鄭註云以醢和醬又周禮醢人共齊醢醢物則醢醬共為一物也今此經文若作醢字則是一物醢之與醢其義皆通未知孰是但鄭註葱涿云處醢醬之左則醢醬一物為勝地道尊右葱涿既處末則末在左上文繼醢醬之下故知在醢醬之左儀禮正饌唯有道醢無葱涿故鄭知葱涿為殊加也鄭知穀在俎者春秋宣十六年王享士會穀蒸下云宴有折俎又昏禮及特牲少牢皆骨體在俎是穀在俎又公食大夫禮庶羞十六豆有牛截羊截牛炙羊炙芥醬魚膾故知截膾炙皆在豆葱涿亦道類故知在豆也卑客則或酒或漿若尊客則有酒有漿案公食大夫禮云設酒於豆東是酒在左也又云賓三飯設漿飲於稻西所謂左酒右漿也以脯脩置者設食竟所須也脯訓訓始始作即成也脩亦脯也脩訓治治之乃成鄭註膳人云薄析曰脯捶而施薑桂曰服脩今明置設脯脩與客之法故云以脯脩置左胸以中屈處置左也右末以末邊際置右也右手取末祭畢食之便脯脩則處酒左

藍田呂氏曰據此章所陳饌與辭遜之節雖與公食大夫禮少有不同其大略無甚異恐此即大夫士與賓客禮食之節也公食大夫禮三牲之俎在左庶羞之豆在右俎實皆穀骨體也羞豆有截截切肉也此則左穀右截矣公食大夫禮庶羞之豆有膾有炙設于稻南簋西則處外矣公設醢醬于席前則處內矣此其所同也公食大夫禮設黍稷六簋于俎西設鉶四于豆西俎豆南則鉶簋同列矣簋實食也鉶實羹也無左右之別也公食大夫禮飲酒實于觶設于豆東羹飲設于稻西豆東則左稻西則右是左酒右羹不俱在右又無葱涿脯脩之品此其所異也鄉飲酒之禮以飲為主故先酌酒以行獻酢食禮以食為主故卒食設酒以酌之不獻也左右內外之設皆便乎食因以寓陰陽之義也左氏傳黍食不鑿玉藻云稷食菜羹皆飯也醢醬食之主也公食大夫禮賓將食宰夫自東房授醢醬公設之卒食賓取梁與醬與以降貴食之主也膾炙庶羞也庶羞非正食加饌而已為主者在內加者在外此所以分內外也葱涿亦加品與膾炙同物故處末末與外皆陽也酒漿與羹同物故處右右陰也若兩有酒漿則左酒右漿酒陽羹陰也脯脩皆有胸嚴陵方氏曰食以六穀為主穀地產也所以作陽德故居左羹以六牲為主牲天產也所以作陰德故居右馬氏曰晏子曰先王之濟五味以平其心然則君子之于飲食豈徒充口腹之欲哉醢醬葱涿之類所以和五味之不及養氣而平心也孔子不撤薑食不得其醬不食亦是意也

客若降等執食與辭主人與辭于客然後客坐主人延客祭祭食祭所先進穀之序徧祭之三飯主人延客食哉然後辭殺主人未辯客不虛口

注 辭者辭主人之臨己食若欲食于堂下然延道

也祭祭先也君子有事不忘本也客若降等則先祭主人所先進先祭之所後進後祭之如其次也殺徧祭謂殺炙膾也以其本出于牲體也公食大夫禮魚腊消醬不祭也延客先食殺後食殺殺尊也凡食殺辨于肩食肩則飽客不虛口俟主人也虛口謂醕也客自敵以上其醕不待主人飽主人不先飽也疏降下等也謂大夫為卿之客其品等卑下也執捉也食飯也典起也客既卑故未食先執飯起以辭謝主人飯為食主故特執之客既與辭故主人亦起辭止之則客從辭而止乃復坐食也延客祭者君子得食則種種出少許置在豆間之地以報先代造食之人敵客則得自祭不須主人之延道也凡祭食之法隨主人所設前後次第種種而次祭之序次序也次序偏匪祭之也三飯謂三食也禮食三餐而告飽須勸乃更食三飯竟主人乃道客食載案公食大夫禮三飯但食醬及他饌而未食載蓋以載為加客三饗前未食之然公食禮三饗竟不云延客食載與此異也食載竟後乃始辯殺辯匪也主人道客令食至飽故食載得匪也特牲少牢云初食殺次食胾次食醢後食肩故鄭云辯于肩則飽也虛口謂食竟飲酒蕩口使清潔及安食也用漿曰漱令口以潔清為義用酒曰醕醕訓演言食畢以酒演養其氣客雖食殺已匪不得醕醕蓋主人常讓客不自先飽故客待之也案公食禮雖設酒優賓不得用醕但以漿漱口此是私客故用酒以醕也說集藍田呂氏曰降等謂大夫于卿士于大夫也但執食與辭而不下堂

大夫于君其辭也必下堂君辭而後升公食大夫禮賓左擁篲梁右執桴以降公辭賓坐奠于階西對坐取之升反奠于其所是也君子戒慎乎其所不睹恐懼乎其所不聞所以敬乎神明者未嘗斯須忘也神無方不在則未嘗有所間也故飲食必祭所以祭者莫適祭也祭其神也莫適祭則吾之敬心無時而不存也延客祭者客卑于主人客不敢先必延之而後祭也孔子曰吾食于少施氏而飽吾祭作而辭曰疏食不足以祭是也主人所先進者則先祭之後進者則後祭之亦所以敬主人也殺謂骨體如特牲少牢尸飯舉幹舉幣舉肩皆振祭是謂徧祭既食載則徧食之所謂辯殺也徧食如尸嗜之是也先儒以此殺為膾炙膾炙禮謂之庶羞非殺也所謂徧祭者謂徧舉骨體而祭也載加豆也客既三飯主人延客食加所以盡其勤也主人未辯客不虛口亦謂降等之客必俟主人徧食殺載乃敢卒食而醕蓋有所待也臨川王氏曰主人延客祭先王制禮無非教也無終食之間違仁者其祭之謂乎長樂陳氏曰古者于饗則祭先炊于樂則祭樂祖將射則祭侯用火則祭司桴用龜則祭先卜養老則祭先老于馬則祭馬祖馬社于田則祭先耆司耆于學則祭先聖先師凡此不忘本也又况飲食之間哉馬氏曰飲食雖魚腊醬酒不祭以其非物之盛則餘殺莫不徧祭也飲禮三爵而退食禮三飯而止者不盡人之歡非專為飲食之義也故三飯主人延客食載然後辯殺蓋主人之加禮則義不可辭也廬陵胡

氏曰祭食祭所先進食飯也黍稷稻粱之屬所先進者則祭之後者不祭若殺之序則徧祭徧皆也公食之禮雖設酒為優賓不得用醕故鄭註彼云但以漿漱口而已則此虛口安知其醕耶愚謂若主人食殺未徧客不虛口耳非醕也王氏曰殺之序徧祭之則自敵之外蓋有不祭者如魚腊醬消非食之盛可以無祭也此據卑客故一聽命于主人食至則必與辭以祭則不敢先舉以載則不敢先嘗殺之徧不敢先飽若敵客則不然矣雖然禮無惡乎過厚賓主既設其勢必有所先以敵者而施是禮焉其誰曰不可而況賓主燕食之間恩意相接客之謙惟恐先乎主人而主人之厚于客惟恐有所不及也雍客揖遜愛敬有餘較之公食大夫之禮尊卑不至截然蓋得禮之中者也執得而少之哉

侍食于長者主人親饋則拜而食主人不親饋則不拜而食

注勸長者食耳雖賤不得執食與辭拜而已示敬也不拜以其禮于己不隆疏向是自為客法此明侍從尊長為客禮也饋謂進饌也己雖侍尊長而主人若自親饋與己已則拜謝之而後食也說集渠張氏曰從長者而就人食若主人親饋及己則拜而食若不親饋則禮非為我不拜而食不敢當其禮也與雖貳不辭同義藍田呂氏曰凡稱侍者少賤之于長者毋敢視賓客也若教弟子職而侍之侍飲侍食侍坐皆然以賓主之義不全故無執食與辭之節也若長者加禮略伸賓主之敬而

親饋之則拜之而已若不親饋則主人之敬不足亦不必拜也 王氏曰禮于施報之義貴適中而已主人親饋而客不拜以答之固無是理主人不親饋而客或拜焉是為倂者也是愧主人而使之不自安也既以失己又以失人知禮者為之乎故聖人謹之

共食不飽共飯不澤手毋搏飯毋放飯毋流歔毋咤食毋齧骨毋反魚肉毋投與狗骨毋固獲毋揚飯黍毋以箸毋噉羹毋絮羹毋刺齒毋歔醢客絮羹主人辭不能亨客歔醢主人辭以羹濡肉齒決乾肉不齒決毋啜炙

注 不飽謙也謂共羹飯之大器也不澤手謂汗手不潔也澤謂接莎也禮飯以手澤或為擇放飯謂去手餘飯于器中人所穢也流歔大歔嫌欲疾也咤嫌薄之齧為有聲響不敬反魚肉為已歷口人所穢也投骨為其賤飲食之物固獲為其不廉也欲專之曰固爭取曰獲噉為不嚼菜絮為其詳于味猶調也刺為其弄口也口容止歔醢亦嫌詳于味也歔者為其淡故決斷也乾肉堅宜用手啜炙為其食食甚也噉謂一舉盡嘗特牲少牢齊之加于俎 疏 非禮食則有同器食法共食宜謙不輒厭飯為飽也與人共飯手宜潔淨不得臨食始接莎手乃食恐為人所穢也取飯作搏則易得多是欲爭飽非謙也手就器中取飯若拈著不得拂放本器中當棄于篚無篚棄于會會謂簋蓋也流歔謂開口大歔汁入口如水流則欲多而速是傷廉也咤謂以舌口中作聲似嫌主人之食齧骨一則有

聲一則嫌食無肉三則以齧骨可憎也魚肉與人同器已齧殘不可反還器中少牢禮尸所食之餘肉皆別置于所俎固獲謂與人共食不可專固獨得及爭取也飯熟當待冷若揚去熱氣則為食快傷廉飯黍當用匕故少牢稟人漑匕註云匕所以匕黍稷也羹有菜當挾嚼若舍而歔吞之是欲速而多又有聲不敬且傷廉也絮謂就食器中調足鹽梅是嫌主人食味惡也口容欲靜止不得刺弄之為不敬醢肉醬也醬宜鹽客失禮而絮羹則主人謝之云己家不能亨羹故味不調適也羹無禮也客失禮而歔醢則主人亦謝之云作醢淡而無鹽故可歔也兩辭皆優饒于賓也濡濕也輒則可以齒決乾肉脂屬也火灼曰炙炙肉濡若食炙先當以齒齧而反置俎上不一舉而併食併食之曰噉 疏 橫渠張氏曰共飯不澤手必有物以取之不使濡其手共飯雖食共一器必各有器以取之毋固獲謂飲食在俎豆越品爭力取而食之嫌其食也藍田呂氏曰共食者所食非一品也共飯者止飯而已凡與人共者必先人而後己厚人而薄己則不爭矣共食而求飽非讓道也古之飯者以手與人共飯摩手而有澤人將惡之而難言也食言放美言流皆貪肆飲食而無容也孟子曰放飯流歔而問無齒決決之失小而流放之過大也毋咤食當食吐咤惡無容也毋投與狗骨惡以人食而食獸也毋固獲惡必得也毋揚飯惡欲速也毋飯黍以箸惡用非所宜也毋刺齒取齒間之餘也毋絮羹絮讀如漂絮之絮玩之而不食必調任失其

節故主人辭不能亨也醢之味厚非可歔而歔之則味薄可知故主人辭以羹廣安游氏曰聖人知夫人之大欲在夫飲食也而致詳于飲食之禮終食之間而人之賢不肖可得而知也食也犯人之所惡也薄主人之飲食也聲容之不敬也所謂小人之情狀畢見于此矣聖人之教不待其已麗于大惡而後正之也待其大惡而正之則無及矣故夫起居飲食之間而為之禮焉聖人之用意微矣古之制禮者禮與食相懸而為重輕故曰禮與食孰重孟子曰禮重惟其有禮而食也則有肉乾人饑而不食者矣惟其無禮而食也則有絃兄之臂而奪之食者矣惟其肉乾人饑而不食而後其人不可使之犯非義若此者治與安之所從生也絃兄之臂而奪之食則凡可以得食者無不為而凡可以取利者無不敢也亂與亡之所從出也去亂而即治去亡而即安則夫禮之施於飲食之際者其可後乎馬氏曰君子於觴酒豆肉之間未嘗不致謙而養廉也

卒食客自前跪徹飯齊以授相者主人與辭於客然後客坐

注 謙也自從也齊醬屬也相者主人贊饌者公食大夫禮賓卒食北面取栗與醬以降也與辭不聽親徹 疏 卒食食已也食坐南向候客客竟起從坐前北面當已坐而跪自徹已所食飯與齊以授相若飯齊食主故答主人初所親饋者也齊醬菹通名耳此是卑者侍食之禮敵者則否 疏 藍田呂氏

曰主人與辭於客然後客坐此與客降等執食與辭之義同故者則不親徹也凡此容止之節疑若繁縟而難行然大人成德動容周旋中禮則於斯也不待學而自中若夫學者將學於禮必先從事於節文之間安於是而不憚煩則其德為庶幾矣玆禮文之所以不可簡也

侍飲於長者酒進則起拜受於尊所長者辭少者反席而飲長者舉未酬少者不敢飲

注降席拜受敬也燕飲之禮鄉尊少者不敢先尊者盡爵曰酬燕禮曰公卒爵而後飲也

明侍尊長飲酒法也食竟宜飲酒故次之長者賜侍者酒進至侍者前侍者不敢即飲故起也尊所陳尊之處尊所貴賤不同諸侯燕禮設尊在東楹之西尊而有鼻鼻向君示君專有此惠也若鄉飲酒及卿大夫燕則設尊陳於房戶之間使賓主得夾尊示不敢專惠也今當是燕禮而燕禮亦無此語文不具耳近尊嚮長者故往於尊所向長者而拜長者辭止少者之起故少者復反還其席而賜飲也舉猶飲也須俟長者盡爵後少者乃得飲也然士相見及玉藻云卒爵而後君卒爵然後授虛簋二文皆先君卒爵而此云後飲者此據燕飲正禮玉藻及士相見禮謂私燕之禮故不同也

說臨川王氏曰拜受於尊所此是初進酒時一拜受耳不然則已煩矣

藍田呂氏曰侍飲之禮與侍食同因燕閒而飲食非賓主之正禮也古之飲酒貴賤少長無不及也鄉飲酒之禮堂下之賓樂工及笙無不與獻特牲饋食禮賓兄弟弟子公有司私臣無不

與獻其獻也皆主人親酌授之此侍飲者亦長者親酌授之所以有拜受於尊所之節也惟燕禮以宰夫為獻主故君不親酌也長者舉未酬少者不敢飲猶燕禮受賜爵者以爵就席坐公卒爵然後飲也然士相見禮及玉藻與燕禮異者恐侍飲於長者偶與燕禮同而與侍飲於君異也

嚴陵方氏曰謂之尊所以尊其惠之所自出故也賜爵者必面於尊所以專惠於己受爵者必拜於尊所以歸惠於上也

於長者也偶坐者因彼有賓也辭進行之美者也辭其所當辭然後成其美也如不有其義不當其物則其美者適所以為病歟

馬氏曰禮者施報而已主人之禮在我也不辭之非禮也主人之禮不在我也辭之亦非禮也子貢主伯高之喪孔子語之曰為爾哭也來者拜之知伯高而來者弗拜也與此同義

美之有菜者用桮其無菜者不用桮

注桮猶簋也

說有菜謂羹羹無菜謂大羹清也直飲之而已其有肉調者大羹羹之屬或當用匕也

藍田呂氏曰事之細者猶各求其所宜則先王之謹於禮可知矣

燕侍食於君子則先飯而後已母放飯毋流歡小飯而亟之數噉毋為口容客自徹辭焉則止

注先飯而後已所以勸也亟疾也備噉噉若見問也口容弄口

說此一節明侍食之法先君子之飯若嘗食然君子食罷而後已若勸食然小飯謂小口而飯備噉噉亟謂疾速而咽備見問也數噉謂數數嚼之無得弄口以為容食訖客欲自徹其俎主人辭其徹俎客則止而不徹

客爵居左其飲居右介爵酢爵俱皆居右

注客爵謂主人所酬賓之爵也以優賓耳賓不舉奠於薦東介爵酢爵俱皆飲爵也介賓之輔也

酢所以酢主人也古文禮儀作遵遵謂鄉人為卿大夫來觀禮者酢或為作僕或為騶

說此一節明客爵所在鄉飲酒禮主人酬賓之爵賓受奠解於